

nae jussu Papae Pii II unitur provincia Dalmatiae sub unico vicario communi beato fr. Bernardino Aquilano,¹⁵³ ut iterum a. 1468 separentur Fratres ragusini, anno vero sequenti (1469) alii ex conventibus Dalmatiae, et in independentes Vicarias constituentur.¹⁵⁴ Demum a. 1514 Vicaria Bosnensis iterum dispertitur in duas partes: Vicariam Bosnae Argentinae — conventus sub Turcarum dominio complectentem, et Vicariam Bosnae Croatiae quae conventus sub dominio christiano remanentes obtinuit.¹⁵⁵ Denique a. 1517, post divisionem Fratrum Conventualium ab Observantibus, omnes praedictae Vicariae in provincias transformantur.¹⁵⁶

Usque ad erectionem Vicariae Bosnae videmus Franciscanos exire de conventibus Dalmatiae in Bosnam et circumiacentes regiones ac inibi munere inquisitorio haereticae pravitatis fungi. Nunc vero creatione Vicariae formata est communitas independens, quae amodo in se suscipiet obligationem per saecula duraturam praedicandi Verbum Dei, exercendi munus pastorale, manuducendi populum, reformandi cultum atque humanitatem quasi totam... in Bosna et Hercegovina, necnon ex parte in aliis etiam regionibus croaticis. Ex hoc vero multiplici labore nos ulterius indagare prosequimur solummodo de cura pastoralis, quando scilicet et quomodo jus illam exercendi obtinuerit, aliis verbis — jus ad parochias.

3. De acquisitione curae pastoralis

De quaestione temporis, quando nempe Franciscani certe curae proprie pastoralis vacare coeperint, aliqui tantum ex scriptoribus propriam sententiam protulerunt, nec in hoc quidem idem sentiunt.¹⁵⁷ Secundum P. C. Othmer e-

¹⁵³ Fermentžin E., Acta Bosnae, 251 n. 1054; Lemmens L., B. Bernardini Aquilani Chronica fratrum minorum observantium, Romae 1902, 97.

¹⁵⁴ AM., ad an. 1468 n. 1—4 (XIII, 482—485); ad an. 1469 n. 8 (XIII, 505); Lemmens, o. c. 107—108.

¹⁵⁵ Fermentžin, Acta Bosnae, 307 n. 1195.

¹⁵⁶ Rupčić, o. c. 68, nota 39.

¹⁵⁷ De hac quaestione cfr. Čapkun P., Postanak i pravno stanje franjevačkih župa u Bosni i Hercegovini, in Nova Revija, XVI (1937), 115—118.